


計

社121
673
郵大:70



文獻通考卷第二百六十九



鄱陽馬端臨貴與著

封建考十

東漢列侯

漢舊制列侯奉請在長安者皆位次三公中興以來惟以功德賜位特進者在三公下次車騎將軍賜位朝侯在九卿下次五校尉賜位侍祠侯其次下土小國侯以肺腑親公主子孫奉墳墓於京師亦隨時朝見是為猥

諸侯也

漢官儀曰皇后父兄率為特進侯朝會位次三公故章帝啓馬太后曰漢典舅氏之封侯猶皇

子之為王其功臣四姓為諸侯侍祠侯皆在卿校之下明帝為四姓小侯開立學

乾隆十二年校刊

文獻通考卷第二百六十九 封建十

校置五經師

外戚樊氏郭氏陰氏馬氏為四姓以非列侯故曰小侯

列侯歸國者

不受茅土不立宮室以戶數租入為節諸紹封者皆食

故國半租罪侯歸不得臣吏民 初漢制皇女皆封縣

公主儀服同列侯其尊崇者加號長公主儀服同蕃王

諸王女皆封鄉亭翁主儀服同鄉亭侯

漢書謂齊厲王姊為紀翁主以

紀氏所生章帝惟特封東平憲王蒼瑯琊孝王京女為

縣公主其後安帝桓帝妹亦封長公主同之皇女其皇

女封公主者所生之子襲母封為列侯皆傳國於後鄉

亭之封則不傳襲

永初元年鄧太后詔封清河孝王慶女十一人皆為鄉公主分食邑俸

列侯國置相

其秩各如本縣主治民如令長不臣也但納租於侯以戶數為限

其官隨

國大小為增減食邑千戶以上置家丞庶子各一人

此家

臣也使

理家事不滿千戶則不置家丞舊置行人洗馬門大夫

等官又悉省諸公主各置家令一人

東觀書曰其主薨無子置傳一人守

其家

功臣侯

太傅高密侯鄧禹南陽新野人以杖策從帝渡河運籌

將兵入關拜大司徒建武元年封鄼侯食邑萬戶二年

更封梁侯食四縣十三年以功高定封為高密侯永平

元年薨謚元侯帝分禹封為三國長子震為高密侯襲

為昌安侯珍為夷安侯少子鴻永平中為小侯

高密侯震子乾 成 褒子某嗣爵 昌某襲母爵

為舞陰侯 昌安侯襲子藩 夷安侯珍子良無後

康子珍紹封

中山太守全椒侯馬成南陽棘陽人世祖討河北從征
伐以擊斬李憲功建武七年封平舒侯二十七年定功
全椒侯三十二年卒子衛 香徙封棘陵侯 豐 元

邑 醜桓帝時以罪失國 昌延熹二年以成元孫
復封為益陽亭侯

大司馬廣平侯吳漢南陽宛人世祖討王郎漢說漁陽
太守彭寵以郡歸帝賜號建策侯擊羣賊先登陷陣帝

卽位拜大司馬更封舞陽侯建武二年封廣平侯食四
縣十一年討公孫述滅之二十年薨諡忠侯子哀侯成
嗣為奴所殺二十八年分漢封為三國成子旦為濯陽
侯奉漢嗣旦弟盱為築陽侯成弟國為新蔡侯漢兄尉
為將軍從征戰死封尉子彤為安陽侯帝以漢功大後
封弟翁為褒親侯吳氏侯者凡五國 旦無子國除
盱子勝

河南尹阜成侯王梁漁陽安陽人為郡吏與太守彭寵
以漁陽歸光武從平河北與寇恂南拒洛陽北守天井
關帝卽位拜大司空封武強侯十三年增邑定封封阜

成侯十四年卒官子禹嗣 堅石坐父弟與楚王英謀反誅

左將軍膠東侯賈復南陽冠軍人爲縣掾下江兵起復亦聚衆數百人歸漢後北渡河從光武擊青犢五校羣盜破之帝卽位爲執金吾封冠軍侯渡河攻朱鮪降之建武二年益封穰朝陽二縣十三年定封膠東侯食郁秩壯武下密卽墨挺胡觀陽凡六縣三十一年卒諡剛侯子忠嗣 敏坐誣告母殺人國除 高宗更立復小子邯爲膠東侯邯弟宗爲卽墨侯各一縣 育邯子長參宗子建

瑯琊太守祝阿侯陳俊南陽西鄂人少爲郡吏光武徇河北爲安集掾從擊銅馬五校破之建武二年封新處侯破張步董憲十三年增邑定封祝阿侯二十三年卒子浮嗣 專諸 篤

建威大將軍好時侯耿弇扶風茂陵人父況王莽時爲朔調連率 莽改上谷郡曰朔調太守曰連率 莽敗更始立弇奉奏詣長

安至宋子會王郎起兵乃馳謁光武說帝發漁陽上谷兵攻拔邯鄲誅王郎爲大將軍從擊銅馬赤眉青犢尤來大槍諸盜破之光武卽位拜建威大將軍封好時侯食好時美陽二縣定彭寵取張豐張步十三年增戶邑

永平元年卒諡愍侯子忠嗣 馮 良 協

隃麋侯霸弇弟況少子況以上谷郡歸光武後封隃

麋侯卒 子霸嗣 文金 喜 顯 援

牟平侯舒弇弟亦況子況初封牟平舒襲封 襲

寶坐罪自殺國除 箕復封牟平侯 恒別封陽亭

侯

驃騎大將軍參蘧侯杜茂南陽冠軍人歸光武於河北

為中堅將軍常從征伐帝即位拜大將軍封樂鄉侯建

武二年封苦陘侯擊五校平之拜驃騎大將軍十三年

增邑封脩侯十五年坐罪免官削戶邑定封參蘧鄉侯

十九年卒子元嗣坐罪國除 奉茂孫復封安樂亭侯

執金吾雍奴侯寇恂上谷昌平人王郎起恂說上谷太

守耿況以郡歸光武拜偏將軍號承義侯從破羣賊拜

河內太守轉輸軍糧建武二年拜潁川太守封雍奴侯

邑萬戶從討隗囂拜執金吾十二年卒諡威侯子損嗣

釐 襲 恂同產弟及兄子妹以軍功封列侯者八

人終其身不傳於後

積弩將軍昆陽侯傅俊潁川襄城人世祖徇襄城以縣

亭長迎軍從破王尋等世祖討河北從軍建武二年封

昆陽侯三年破秦豐七年卒諡威侯子昌嗣坐罪貶關

內侯 鐵昌子復封高置亭侯

征南大將軍舞陽侯岑彭南陽棘陽人王莽時守本縣長漢兵起彭守宛攻之數月食盡乃降大司徒伯升義之封爲歸德侯光武徇河內彭與太守韓歆迎降拜刺姦大將軍從平河北帝卽位圍洛陽令彭說降朱鮪建武二年遷征南大將軍討鄧奉擊秦豐破之封舞陰侯九年討公孫述大破之爲述遣刺客所殺諡壯侯子遵嗣 伉 杞 熙 福 世祖思彭功復封遵弟淮爲穀陽侯

左曹合肥侯堅鐔潁川襄城人世祖討江北署主簿從

平河北擊破大槍帝卽位拜揚化將軍封潁强侯與諸將攻洛陽降朱鮪六年定封合肥侯二十六年卒子鴻嗣 浮 雅

征西大將軍夏陽侯馮異潁川父城人漢兵起異以郡掾監五縣城守拒漢間出行屬縣爲漢兵所執光武署爲主簿從渡河北從破王郎封應侯與寇恂合勢拒朱鮪擊鮪破之建武二年封陽夏侯入關代鄧禹討赤眉大破之定關中擊隗囂拜征虜將軍十年薨諡節侯子彰嗣 普有罪國除 晨安帝時復封 世祖思異功復封彰弟訢爲祈鄉侯

上谷太守淮陽侯王霸潁川潁陽人漢兵起霸率賓客從光武從擊破尋邑從渡河北討王郎斬之得其璽綬封王鄉侯建武二年封富波侯討周建擊盧芳破之十三年增邑戶更封向侯上谷太守三十年定封淮陽侯永平二年卒子符嗣 度 歆

建義大將軍鬲侯朱祐南陽宛人漢兵起伯升拜大司徒以祐爲護軍從世祖討河北常力戰陷陣爲偏將軍封安陽侯世祖卽位拜建義大將軍更封堵陽侯擊鄧奉秦豐降之十三年增邑封鬲侯食邑七千三百戶二十四年卒子商嗣 演 冲

信都太守阿陵侯任光南陽宛人漢兵起率衆從軍與世祖破尋邑更始至洛陽以光爲信都太守王郎起郡國皆降之光獨以郡迎世祖拜左大將軍封武成侯共擊郎滅之建武元年更封阿陵侯五年卒子隗嗣 屯 勝 世

征虜將軍潁陽侯祭遵潁川潁陽人光武破王尋等署爲門下史從征河北以爲刺姦將軍建武二年拜征虜將軍封潁陽侯擊張滿鄧奉張豐等破之六年與諸將討隴蜀九年卒諡成侯無子國除

豫章太守中水侯李忠東萊黃人王莽時爲新博屬長

莽改信都國曰新博都尉曰屬長

更始立忠與任光同奉世祖以為右

大將軍封武固侯建武二年更封中水侯食邑三千戶

從平龐萌董憲等十四年遷豫章太守十九年卒子威嗣 純 廣

驃騎大將軍櫟陽侯景丹馮翊櫟陽人為上谷屬令更

始立遣使者徇上谷世祖引見丹拜偏將軍號奉義侯

從擊王郎破之從征河北帝即位拜驃騎大將軍封櫟

陽侯二年薨子尚嗣

苞

臨無子國除

遠苞弟封

監亭侯

右將軍槐里侯萬脩扶風茂陵人更始時為信都令與

太守任光等迎世祖拜偏將軍封造義侯從平河北建

武二年更封槐里侯病卒子普嗣徙封泣氏侯

親徒

封扶柳侯無子國除

豐脩曾孫

復封曲平亭侯

熾

恭

虎牙大將軍安平侯蓋延漁陽要陽人為彭寵護軍王

郎起與吳漢等同歸光武從平河北帝即位以延為虎

牙將軍建武二年更封安平侯討劉永董憲龐萌等皆

平之十三年增封定食萬戶十五年薨子扶嗣

側坐

謀反國除

恢延曾孫

復封盧亭侯

遂

太常靈壽侯邳彤信都人初為王莽和成卒正

莽分鉅鹿為和

乾隆十二年校刊

封建十

成郡世祖徇河北彤舉城降王郎起彤與信都獨不附郎

以二郡迎世祖軍拜後大將軍拔邯鄲封武義侯建武

元年更封靈壽侯行大司空事帝入洛陽拜太常六年

卒子湯嗣 某無子國除 音彤復封平亭侯 柴

衛尉安成侯鈺期潁川陝人光武略地至潁川召署賊

曹掾從徇薊拜偏將軍從擊王郎破之拜虎牙大將軍

擊破銅馬赤眉青犢等帝即位封安成侯食邑五千戶

五年拜衛尉十年卒諡忠侯子丹嗣 舒 羽 蔡

帝復封丹弟統為建平侯

驍騎將軍昌城侯劉植鉅鹿昌城人王郎起植與宗族

聚兵數千人據昌城迎世祖以為驍騎將軍說降真定

王劉揚從平河北建武二年更封植為昌城侯討密縣

賊戰歿子向嗣 述坐與楚王英反謀國除 喜植與

植同謀迎帝以功封觀津侯 歆植亦同謀封浮陽侯

二人皆傳國於後

東郡太守東光侯耿純鉅鹿騎都尉世祖渡河純迎謁

王郎反純自邯鄲率宗族從帝封耿鄉侯從平王郎破

銅馬帝即位封高陽侯拜東郡太守六年定封東光侯

十三年卒諡成侯子阜嗣坐罪國除 盱復封高亭侯

騰 忠 緒 植純從 為輔威將軍封武邑侯 宿

純從弟 至代郡太守封遂鄉侯 訢純弟為赤眉將軍封著

武侯

橫野大將軍山桑侯王常事跡已見更始所立諸王下

城門校尉朗陵侯臧宮潁川陝人少為亭長游徼率賓

客入下江兵中為校尉從光武征戰至河北以為偏將

軍從破羣賊數陷陣却敵建武二年封成安侯與岑彭

吳漢共滅公孫述十三年增邑更封鄼侯十五年定封

朗陵侯永平元年卒諡愍侯子信嗣 震 松坐罪國

除 由松弟紹侯

大司空固始侯李通事跡見更始所立諸王下

捕虜將軍揚虛侯馬武南陽湖陽人王莽末入綠林中

遂與漢兵合世祖破王尋拜振威將軍與謝射等攻王

郎從擊羣賊常為軍鋒帝即位以為侍中騎都尉封山

都侯討劉永擊隗囂十三年定封揚虛侯永平四年卒

子檀嗣坐兄與楚王英謀國除 震武孫紹封膠亭侯

側

大司空安豐侯竇融扶風平陵人王莽末從王邑軍敗

於昆陽莽亡以軍降更始大司馬趙萌萌薦融為鉅鹿

太守融見更始新立東方尚擾不欲出關以累世在河

西乃辭鉅鹿萌為言得為張掖屬國都尉更始敗武威

張掖酒泉金城燉煌共推融行河西五郡大將軍事建武五年遣使奉書獻馬於洛陽與五郡太守會兵討隗囂八年帝西征融朝見高平第一詔以安豐陽泉蓼安安風四縣封融爲安豐侯隴蜀平與五郡太守奏事京師拜大司空永平二年卒謚戴侯 穆坐罪死 嘉萬全 會宗 武

驃騎將軍慎侯劉隆南陽宗室更始拜爲騎都尉從世祖於河內與諸將共拒朱鮪等建武二年封亢父侯四年討平李憲十三年增邑封竟陵侯坐罪免明年復封爲扶樂鄉侯以擊交趾功更封長平侯三十年定封慎

侯中元二年卒謚靖侯子安嗣

太傅宣德侯卓茂南陽宛人初辟爲丞相孔光府史後遷密令王莽居攝以病免更始立以茂爲侍中祭酒以年老乞骸骨世祖卽位先訪求茂茂詣河陽謁拜爲太傅封褒德侯食邑二千戶建武四年卒子崇嗣徙封汎鄉侯 琴 訢 隆無子國除

建武二年正月悉封諸功臣爲列侯梁侯鄧禹廣平侯吳漢皆食四縣餘各有差下詔曰諸將業遠功大誠欲傳於無窮其顯效未酬名籍未立者大鴻臚趣上朕將差而錄之博士丁恭議曰古帝王封諸侯不過百里強

幹弱枝所以爲治也今封四縣不合法制帝曰古之亡國皆以無道未嘗聞功臣地多而滅亡者也乃遣謁者卽授印綬策曰在上不驕高而不危制節謹度滿而不溢敬之戒之傳爾子孫長爲漢藩陰鄉侯陰識貴人之兄也以軍功當增封識叩頭曰天下初定將帥有功者衆臣托屬掖庭仍加爵邑不可以示天下此爲親戚受賞國人計功也帝從之帝令諸將各言所樂皆占美縣河南太守丁綝獨求封本鄉或問其故綝曰綝能薄功微得鄉亭厚矣帝從其志封新安鄉侯帝使郎中馮勤典諸侯封事勤差量功次輕重國土遠近地勢豐薄不

相踰越莫不厭服焉

致堂胡氏曰古之亡國皆以無道帝言是也未聞以地多而亡者則有中否焉先王分土三等自百里而殺柄制輕重足以有邦小則財賦甲兵亦能自守大則禮樂征伐不得僭行自唐虞迄三代襲爲成法漢初旣不能復光武再造宜稽古以有爲因丁恭之言詳立善制而又率意所欲苟簡建置且是時以功勲錫茅土豈皆有道之人邪土宇旣廣所入旣厚滿而不溢誰克臻茲故聖王之法必

關盛衰焉

十三年大饗將士頒爵冊勲功臣增邑更封凡三百六十五人

范曄論曰中興二十八將前世以爲上應二十八宿未之詳也然咸能感會風雲奮其智勇稱爲佐命亦各志能之士也議者多非光武不以功臣任職至使英姿茂勲委而勿用然原夫深圖遠算固將有以焉爾若乃王道旣衰降及霸德猶能授受惟庸勲賢皆序如管隰之迭升桓世先趙之同列文朝可謂兼通矣降自秦漢世資戰力至於翼扶王運皆武人崛起亦有鬻繒屠狗輕猾之徒或崇

以連城之賞或任以阿衡之地故勢疑則隙生力侔則亂起蕭樊且猶縲紲信越終見菹戮不其然乎自茲以降迄於孝武宰輔五世莫非公侯遂使縉紳道塞賢能蔽壅朝有世及之私下有抱關之怨其懷道無聞委身草莽者亦何可勝言故光武鑒前事之違存矯枉之志雖寇鄧之高勲耿賈之鴻烈分土不過大縣數四所加特進朝請而已觀其治平臨政課職責咎將所謂導之以政齊之以刑者乎若格之功臣其傷已甚何者直繩則虧恩喪舊撓情則違廢禁典選德則功不必厚舉勞則

人或未賢參任則羣心難塞並列則其蔽未遠不
得不校其勝否卽以事相權故高秩厚禮允咎元
功峻文深憲責成吏職建武之世侯者百餘若夫
數公者則與參國議分均休咎其餘並優以寬科
全其封祿莫不終以功名延慶於後昔留侯以爲
高祖悉用蕭曹故人而郭伋亦譏南陽多顯鄭興
又戒功臣專任夫崇恩偏授易啓私溺之失至公
鈞被必廣招賢之路意者不其然乎永平中顯宗
追感前世功臣乃圖畫二十八將於南宮雲臺其
外又有王常李通竇融卓茂合三十二人故依其

本第係之篇末以志功臣之次云爾

廷尉西華侯鄧晨南陽新野人娶光武姊元漢兵起晨
將賓客從更始立以爲偏將軍從擊破尋邑王郎反與
光武會鉅鹿下從擊邯鄲帝卽位封房子侯拜中山汝
南太守徵爲廷尉封西華侯二十五年卒謚會侯子棠
嗣 固 國 福無子國除 光武復封晨長子汎爲
吳房侯奉公主之祀

中郎將征羌侯來歙南陽新野人光武祖姑之子更始
卽位以歙爲吏以病去更始敗東詣洛陽拜大中大夫
奉詔說隗囂遣子入質囂叛與祭遵等征之十一年攻

公孫述破其兵述遣刺客害之贈中郎將征羌侯帝以
歛有平羌隴之功故改汝南之當鄉縣爲征羌國諡節
侯子裒嗣 歷 定 虎 帝嘉歛忠節復封歛弟由
爲宜西侯

伏波將軍新息侯馬援扶風茂陵人王莽時爲新成大
尹莽未避地涼州依隗囂說囂歸光武囂使援奉書洛
陽遣子入質後囂發兵拒漢援諫不從從帝西征囂平
之拜隴西太守擊羌破之交趾反討平之拜伏波將軍
封新息侯後征武溪蠻病卒爲梁松所譖收侯印綬肅
宗時諡忠成侯 子瘳等見外戚侯門

按史言伏波輔佐中興之功不減雲臺諸將獨以
椒房之戚不得預焉然鄧晨光武姊壻也來歙光
武祖姑之子也晨之捨宗從義歙之捐軀徇國其
功烈雖劣於寇鄧馮耿而賢於臧宮馬武邳彤銚
期之流遠矣蓋三公者俱非泛泛之外戚而徒以
依乘取恩澤侯之比也故叙其事於雲臺功臣侯
者之次

慶吾劉永將建武三年以斬永首來降封列侯

韓湛爲吳漢校尉以擊斬董憲封列侯

安邱侯張步王莽未起兵據瑯琊旣而受劉永命後斬

永將蘇茂來降封安邱侯八年坐謀反誅

漁浦侯意帛李憲軍士憲敗走帛斬其首來降封

建忠侯彭寵爲漁陽太守王郎之起獨以郡歸光武封

建忠侯後反誅

不義侯子密彭寵蒼頭寵反子密斬其首來降封

鐫羗侯隗恂隗囂長子囂遣入侍拜胡騎校尉甘侯後

囂叛帝數遣書諭之不從乃誅恂而討之

向義侯王遵隗囂將數勸囂歸漢囂叛諫辭甚切不從

乃與家屬東詣京師拜大中大夫封上洛侯

陽都侯伏湛瑯琊東武人建武三年拜大司徒封後徙

封不其侯邑三千六百戶十三年卒子歛嗣光武晨

無忌質完爲曹操所殺國除

賜鄉哀侯侯霸河南密人建武四年拜大司徒十三年

薨追封則鄉侯食二千六百戶子昱嗣建昌

袁氏曰漢初丞相選用列侯至武帝用公孫弘起

自疏遠未有爵邑於是封平津侯丞相封侯自此

始光武中興尚仍前制伏湛代鄧禹爲大司徒封

陽都侯湛免以侯霸代之止封關內侯凡歷九年

而薨帝始下詔曰漢家舊制丞相拜日封爲列侯

朕以軍師暴露功臣未封緣忠臣之義不欲相踰

未及爵命奄然而終因追封霸爲則鄉侯其比西
京之制雖未鐫削亦淹緩矣自是之後位三公者
皆不復有茅土之封惟靈帝初陳蕃爲太傅錄尚
書事實太后優詔封爲高鄉侯蕃固辭不受自是
宰相封侯之制遂廢

扶陽侯韓歆南陽人以大司徒封坐直言免自殺
桐邑侯宋弘京兆長安人建武二年爲大司空封後徙
封宣平侯卒無子國除

節鄉正侯趙熹南陽宛人建武二十七年拜太尉帝崩
受遺詔典喪禮封肅宗卽位進爲太傅錄尚書事建初

五年薨子代嗣 直 淑無子國除

陽武侯朱浮沛國蕭人以從光武定北邊建武二年封
舞陽侯食三縣後徙封父城侯二十年爲大司徒徙封
新息侯永平中坐單辭所告賜死

成義侯梁統安定烏氏人以武威太守與河西大將軍
竇融等同歸漢封後更封高山侯後定封陵鄉侯子松
嗣坐誹謗下獄死國除

富平侯張純京兆杜陵人高祖父安世爲大司馬封富
平侯純少襲爵土遭王莽篡封者多廢純以敦謹保全
前封建武初先來詣闕得復國二十三年爲大司空中

元元年薨諡節侯子奮嗣 甫 吉無子國除

陽平侯桓焉沛郡龍亢人榮之孫順帝爲皇太子被廢焉力爭不能順帝旣立拜太傅以前廷議守正封後爲太尉 順 典賜爵關內侯

陵陽侯丁鴻潁川定陵人父綝王莽末世祖略地潁川綝說其宰降後征伐有功封定陵新安鄉侯後徙封陵陽食邑五千戶建初四年徙封魯陽鄉侯和帝時爲司徒六年薨子湛嗣 浮 夏 平鄉侯謝安下邳人順帝末羣盜起安率衆斬盜首徐鳳封邑三千戶

右鄉侯度尚山陽湖陸人桓帝時爲荊州刺史坐破平羣盜封

烏程東鄉侯抗徐丹陽人爲長沙太守與度尚俱坐平盜封

鄆侯鄧邯南陽新野人中興初以功封仕至渤海太守子鳳嗣

安鄉侯張禹趙國襄國人安帝卽位以定策功封食邑千二百戶後拜太尉子盛

龍鄉侯徐防沛國鉅人安帝卽位以定策封千一百戶拜太尉卒子衡嗣

育陽安樂鄉侯胡廣南郡華容人以定策立桓帝封梁冀誅坐奪爵土

安國亭侯袁湯汝南南陽人袁安子以豫定策立桓帝封後遷太尉逢基

定潁侯郭鎮潁川陽翟人郭躬子爲尚書坐與孫程等誅江京閻景立順帝功封食邑二千戶拜廷尉卒子賀嗣

福亭侯尹勤南陽人爲司空以定策立安帝封無子國除

定遠侯班超扶風平陵人坐使西域爲都護安集諸國

納質內屬功封邑千戶卒子雄嗣始坐罪誅

臨晉侯楊賜弘農華陰人楊震孫靈帝時爲太傅司徒以師傅恩封千五百戶薨子彪嗣建安十一年奪封

務亭侯楊衆震曾孫獻帝時拜侍中以步從帝東還封

宜陽鄉侯尹勲河南人爲尚書令坐預誅梁冀功與僕

射霍譖尙書張敬歐陽參李偉虞放周永並封亭侯

高陽鄉侯蔡邕陳留圉人獻帝時以左中郎將從遷都

長安封後董卓誅爲王允所殺

邠鄉侯黃瓊江夏安陸人桓帝時爲太尉以師傅恩不阿梁氏封邑千戶固辭許之後爲司空孫琬獻帝初

爲司徒更封陽泉鄉侯

壽成亭侯皇甫規安定朝那人爲度遼將軍坐平賊討
羌功封邑二百戶

新豐縣侯段熲武威姑臧人爲并州刺史坐討羌胡功
封邑萬戶後爲太尉王甫誅熲下獄死

遂鄉侯劉寬弘農華陰人代段熲爲太尉以先策黃巾
逆謀封六百戶子松

高陽鄉侯陳蕃汝南平輿人靈帝卽位以太傅輔政封
與竇武謀誅宦官爲曹節等所殺

溫侯王允太原祁人獻帝初遷都長安爲司徒以從遷

功封二千戶後誅董卓爲卓部曲李傕等所殺

槐里侯皇甫嵩安定朝那人以左中郎將討平賊張角

封食槐里美陽兩縣八千戶後拜太尉薨

西鄉侯朱雋會稽上虞人以右中郎將討平賊張角功

封後更封錢塘侯

鰲鄉侯董卓隴西臨洮人靈帝中平元年爲破虜將軍

坐討羌功封邑千戶靈帝崩大將軍何進召卓將兵脅

太后誅宦官卓旣入廢少主立獻帝遷太尉更封郿侯

改拜太師封弟旻爲鄠侯劫帝西遷王允與士孫瑞等

討而誅之

容邱侯劉虞東海剡人爲幽州牧以討平反者張純等
功封後拜大司馬進封襄賁侯公孫瓚襲而殺之
薊侯公孫瓚遼西令支人爲奮武將軍以討黃巾有功
封後殺劉虞取幽州袁紹攻而殺之
溧陽侯陶謙爲徐州刺史以擊破黃巾功封遷徐州牧
後爲曹操所擊敗死

邳鄉侯袁紹汝南汝陽人爲司隸校尉與何進謀召董
卓以兵誅宦官以事忤卓出奔卓拜紹渤海太守封侯
紹以渤海起兵討卓領冀州牧獻帝都許以紹爲太尉
封鄴侯後拜大將軍兼督冀青幽并四州引兵攻許爲

曹操所敗死

武成侯劉表山陽高平人爲荊州刺史討平宗賊李傕
入長安表遣使入貢拜荊州牧封武成侯建安十三年
卒曹操取其地

溫侯呂布五原九原人爲董卓騎都尉封都亭侯司徒
王允與布密謀討卓卓旣誅拜奮威將軍封溫侯後據
兗州曹操取其地而殺之

被陽侯歐陽歙樂安千乘人王莽時爲長社宰世祖卽
位爲河南尹封被陽侯九年更封夜侯徵爲大司徒後
坐賊下獄死子復嗣無子國除

褒成侯孔志魯人父均平帝時以孔子後封王莽敗失國建武十三年以志襲封卒子損嗣 曜 完

外戚侯

壽張恭侯樊宏南陽湖陽人世祖舅帝卽位拜光祿大夫封長羅侯十五年更封壽張二十七年卒子儵嗣徙封燕侯 汜 時 建 盼 尙

射陽侯丹宏弟建武十三年封

元鄉侯尋宏兄子建武十三年封

更父侯忠宏族兄建武十三年封

平望侯茂宏少子建武二十七年封

陽安節侯郭况真定人郭后弟建武十七年封永平二年卒子璜嗣竇憲誅坐死

新鄴侯竟后從兄以從征伐功封永平中卒子嵩嗣

勤無子國除

發干侯匡竟弟建武末卒子勲嗣 駿無子國除

南繚侯陳茂郭后叔父梁之壻以恩澤封

原鹿貞侯陰識南陽新野人光烈皇后之前母兄更始時封陰德侯建武元年封陰鄉侯十五年封原鹿侯永

平二年卒子躬嗣 璜 淑 鮪

吳房侯綱識姪孫和帝陰后之父後坐事綱自殺

文獻通考卷三百九十五
三
鮑陽侯慶識弟興之子永平元年封卒子琴嗣 萬

全 桂

隱強侯博慶弟永平元年封

順陽安侯馬廖明德皇后之兄建初四年封永平四年卒子遵嗣徙封程鄉侯卒無子國除鄧太后詔封廖孫度爲潁陽侯

潁陽侯防廖弟建初四年封六千戶後坐罪徙封翟

侯卒子鉅嗣

許陽侯光防弟建初四年封六千戶竇憲誅憲奴誣告光罪自殺 朗光子鄧太后詔紹封合鄉侯

章帝建初元年欲封爵諸舅太后不聽明年夏旱言事者以爲不封外戚之故有司因此上奏宜依舊典太后詔曰凡言事者皆欲媚朕以要福耳昔王氏五侯同日俱封其時黃霧四塞不聞淫雨之應又田蚡竇嬰寵貴橫恣傾覆之禍爲世所傳故先帝防謹舅氏不令在樞機之位諸子之封裁令半楚淮陽諸國常謂我子不當與先帝子等今有司奈何欲以馬氏比陰氏乎吾爲天下母而身服大練食不求甘左右皆著帛布無香薰之飾者欲身率下以爲外親見之當傷心自勅但笑言太后素好儉前過濯龍門上見外家問起居者車如流水

馬如游龍蒼頭衣綠襦領袖正白顧視御者不及遠矣故不加譴怒但絕歲用而已異以默愧其心而猶懈怠無憂國忘家之慮知臣莫若君况親屬乎吾豈可上負先帝之旨下虧先人之德重襲西京敗亡之禍哉固不許帝省詔悲歎復重請曰漢興舅氏之封侯猶皇子之爲王也太后誠存謙虛奈何令臣獨不加恩三舅乎且衛尉年尊兩校尉有大病如令不諱使臣長抱刻骨之恨宜及吉時不可稽留太后報曰吾反覆念之思令兩善豈徒欲獲謙謙之名而使帝受不外施之嫌哉昔竇太后欲封王皇后之兄丞相條侯言受高祖約無軍功

非劉氏不侯今馬氏無功於國豈得與陰郭中興之后等邪常觀富貴之家祿位重疊猶再實之木其根必傷且人所以願封侯者欲上奉祭祀下求溫飽耳今祭祀則受四方之珍衣食則蒙御府餘資斯豈不足而必當得一縣乎吾計之熟矣勿有疑也夫至孝之行安親爲上今數遭變異穀價數倍憂惶晝夜不安坐卧而欲先營外封違慈母之拳拳乎吾素剛急有胷中氣不可不順也若陰陽調和邊境清淨然後行子之志吾但當含飴弄孫不能復關政矣四年天下豐稔方陞無事帝遂封三舅廖防光皆爲列侯廖等辭遜不得已受封爵而

退

武陽侯竇憲章德皇后之兄和帝卽位后臨朝拜大將軍封食邑二萬戶後坐罪自殺

鄆侯篤 汝陽侯景 夏陽侯瓌皆憲弟同時封憲敗皆自殺

樂平侯梁棠和帝母梁貴人父竦之子和帝親政後封卒子安國嗣

乘氏侯雍 單父侯翟皆棠弟與棠同時封

上蔡侯鄧騭南陽人和熹皇后兄永初元年封食邑萬戶后崩中黃門等誣告騭弟悝罪坐徙羅侯死

葉侯悝騭弟同時封元初五年卒子廣宗嗣封葉侯后崩中黃門譖而殺之

西平侯弘騭弟同時封元初二年卒子廣德嗣 甫德廣德弟封都鄉侯

西華侯闡騭弟同時封卒子忠嗣廣德甫德忠並爲中黃門譖死

北宜春侯閻暢安思皇后父元初三年封邑五千戶四年卒子顯嗣更封長社縣侯食邑萬三千五百戶後坐罪誅

乘氏侯梁商順烈皇后之父襲父雍封子冀嗣拜大將

軍建和元年益封萬三千戶永興二年坐罪誅
桓帝元嘉元年以梁冀有援立之功欲褒崇殊典乃大
會公卿議其禮特進胡廣太常羊溥司隸校尉祝恬大
中大夫邊韶等咸稱冀之勲德其制度賚賞宜比周公
賜之山川土田附庸司空黃瓊獨建議曰冀前以親迎
之勞增邑三千又其子亦加封賞昔周公輔相成王制
禮作樂化致太平是以大啟土宇開地七百今諸侯以
戶邑爲制不以里數爲限蕭何識高祖於泗水霍光定
傾危以興國皆益戶增封以顯其功冀可比鄧禹合食
四縣賞賜之差同於霍光朝廷從之

潁陽侯不疑冀弟 潁陰侯馬不疑子 襄邑侯允
冀子 城父侯桃允子 西平侯蒙冀弟冀敗並坐
誅

南頓侯鄧演桓帝鄧后之兄后立封子康嗣

訛陽侯康 昆陽侯統 涑陽侯秉皆演兄弟同時
封

槐里侯竇武桓思皇后之父后立封五千戶桓帝崩靈
帝立輔政拜大將軍更封聞喜侯與陳蕃等謀誅宦官
爲所害

脩侯董重河間人靈帝母孝仁董后兄子帝卽位封帝

崩何進奏其罪自殺

不其鄉侯宋鄴扶風平陵人靈帝宋皇后之父后立封后廢坐死

慎侯何進南陽宛人靈思皇后兄后立以功封帝崩為大將軍輔政謀誅宦官不克為張讓等所殺

濟陽侯苗進弟進敗俱死

宦者侯

鄭鄉侯鄭眾南陽犍人和帝十四年以誅竇憲功封食邑千五百戶永初元年和熹皇后益封三百戶元初元年卒養子閎嗣 安 石讎眾曾孫封關內侯

龍亭侯蔡倫桂陽人元初元年鄧太后以倫久宿衛封

邑三百戶安帝時坐罪死國除

雍鄉侯李潤安帝時為小黃門譖鄧悝等廢平原王坐是封三百戶

都鄉侯江京安帝時與李潤同封帝崩孫程等誅之而立順帝

浮陽侯孫程涿郡新城人安帝時江京等譖廢太子帝崩程等誅京迎太子立之為順帝封萬戶陽嘉元年卒

養子壽嗣

華容侯王康與孫程同立順帝功封九千戶

酈侯王國與孫程同功封九千戶

湘南侯黃龍與孫程同功封五千戶

西平昌侯彭愷與孫程同功封四千二百戶

中廬侯孟淑與孫程同功封四千二百戶

復陽侯李建與孫程同功封四千二百戶

廣宗侯王成 祝阿侯張賢 臨沮侯史汎 廣平侯

馬國 范縣侯王道 褒信侯李元 山都侯楊佗

下雋侯陳予 析縣侯趙封 枝江侯李剛俱與孫程

同功各封四千戶

夷陵侯魏猛與孫程同功封二千戶

東阿侯苗光與孫程同功封千戶是為十九侯孫程卒

賜諡剛侯王康王國彭愷王成趙封魏猛六人皆早卒

黃龍楊佗孟淑李建張賢史汎王道李元李剛九人坐

罪減租四分之一惟馬國陳予苗光保全封邑

東鄉侯籍建 都鄉侯良賀二人俱順帝為太子時小

黃門帝立以勞封

費亭侯曹騰沛國譙人以預定策立桓帝功與長樂太

僕州輔等七人皆封亭侯卒養子嵩嗣

新豐侯單超河南人以預誅梁冀功封二萬戶

原武侯徐璜下邳良城人以預誅梁冀功封萬五千戶

乾隆十二年校刊

文獻通考卷三百九 封建十

三

東武陽侯具瑗魏郡元城人以預誅梁冀功封萬五千戶

上蔡侯左悺河南平陰人以預誅梁冀功封萬三千戶後坐罪自殺

汝陽侯唐衡潁川鄆人以預誅梁冀功封萬三千戶

誅梁冀時又封小黃門劉普趙忠等八人爲鄉侯

高鄉侯侯覽山陽防東人以預誅梁冀功封後坐罪自殺

育陽侯曹節南陽新野人以預定策立靈帝功封長安鄉侯後以誣奏陳蕃竇武等罪將兵殺之封育陽侯邑

三千戶又誣奏渤海王悝反殺之增封七千六百戶

冠軍侯王甫與曹節同惡誣殺陳蕃竇武渤海王悝等

封七千六百戶光和二年司隸校尉陽球奏其罪誅之

朱瑀 共普 張亮 王尊 騰是皆以誣殺陳蕃竇

武功封瑀華容侯千五百戶普亮等五人各三百戶

都鄉侯呂強河南成臯人靈帝時例封宦者以強爲鄉侯強辭讓懇惻固不敢當帝聽之後爲趙忠等誣譖自

殺

都鄉侯趙忠安平人以預誅梁冀功封後與張讓等殺何進作亂袁紹勒兵誅之

張讓穎川人靈帝時與趙忠同封列侯後與張讓作亂殺何進劫質天子為追兵所急投河死

右東漢列侯姓名之見於史傳可考者按范史世宗本紀所載建武十三年功臣增邑更封者已該三百六十五人外戚恩澤封者已該四百六十五人考之自世祖至獻帝十三傳凡二百年間以功勳位望封侯者纔一百二十九人外戚四十一人宦者六十五人然則姓名之湮沒無傳者多矣

王侯號

靈壽王

彭城靖王未封賜號靈壽王未有國邑取其美名

重熹王

樂成靖王未封賜號

重熹王

承義侯

寇恂

成義侯

梁統

興義侯

景貺

奉義侯

景丹

輔義侯

庫鈞

扶義侯

辛彤

助義侯

竺曾

褒義侯

史苞

褒親侯

吳翕

褒德侯

卓茂

歸德侯

劉諷

褒成侯

孔志 孔僖

顯親侯

竇友

建策侯

吳漢

建功侯

蓋延

宣恩侯

陰陸

封姦侯

杜習

折姦侯

燕廣

征羌侯

來歙

破虜侯

須沈

不義侯

蒼頭 子密

破羌侯

榆鬼

率眾王

烏倫

率眾侯

其至 鞬

徐氏曰按漢世封侯皆以縣邑其後或以鄉亭皆視其所食之邑而名之至於功名顯著則有特加

美名者西都信武冠軍富民博陸之類是也東漢因之時有美號至於彭寵蒼頭以奴弑主而封之不義侯夫果不義則不應封爵使其功可封則非可言不義矣光武於是失之

按秦漢以來所謂列侯者非但食其邑入而已可以臣吏民可以布政令若關內侯則惟以虛名受廩祿而已然西都景武而後始令諸侯王不得治民漢置內史治之自是以後雖諸侯王亦無君國子民之實不過食其所封之邑入况列侯乎然所謂侯者尙裂土以封之也至東都始有未與國邑

先賜美名之例如靈壽王征羌侯之類是也至明帝時有四姓小侯乃樊氏郭氏陰氏馬氏諸外戚子弟以小年獲封者又肅宗賜東平王蒼列侯印十九枚令王子年五歲以上能趨拜者皆令帶之此二者往往皆是未有土地先佩侯印受俸廩蓋至此則列侯有同於關內侯者矣

文獻通考卷第二百六十九

文獻通考卷第二百七十

鄆陽馬端臨貴與著

封建考十一

魏封建諸侯王

任城威王彰建安二十一年封鄆陵侯文帝卽位以功增邑五千并前萬戶黃初二年進爵爲公三年立爲任城王四年薨子楷嗣徙封中牟五年改封任城縣太和六年復改封任城國食五縣二千五百戶青龍三年坐罪削縣二千戶正始七年徙封濟南二千戶并增邑四千四百戶

陳思王植建安十六年封平原侯十九年徙封臨菑侯
二十二年增邑至萬戶文帝卽位坐罪貶爵安鄉侯三
年立爲鄆城王邑二千五百戶四年徙封雍邱六年增
戶五百太和元年徙封浚儀三年徙封東阿六年以陳
四縣封爲陳王邑三千五百薨子志嗣徙封濟北王
蕭懷王熊早薨後追封王子哀王炳嗣食邑二千五百
戶薨無子國除

豐愍王昂早卒黃初二年追諡曰豐悼公三年以樊安
公均子琬嗣嘉平六年襲爵爲豐王累增邑至二千七
百戶薨子廉嗣

相殤王鑠早薨太和三年追封子潛嗣薨 偃邑二千
五百戶無子國除

鄧哀王冲早卒以宛侯據子琮奉冲後景初元年坐罪
削邑貶爵爲侯正始七年轉封平陽公累增邑并前千
九百戶

彭城王據建安十六年封范陽侯二十二年徙封宛侯
黃初二年進爵爲公三年爲章陵王又徙義陽又徙彭
城及濟陰景初元年坐罪削爵二千戶三年復景元中
累增邑并前四千六百戶

燕王宇建安十六年封都鄉侯二十二年改封魯陽侯

黃初二年進爵爲公三年爲下邳王五年改封單父縣
太和六年封燕王累增邑至五千五百戶薨 奭後入
繼大宗卽帝位

沛穆王林建安十六年封饒陽侯二十二年徙封譙黃
初二年進爵爲公三年爲譙王五年改封譙縣七年徙
鄆城太和六年徙沛累增邑至四千七百戶薨子緯嗣
中山恭王袞建安二十一年封平鄉侯二十二年徙東
陽侯黃初二年進爵爲公三年爲北海王又徙贊濮陽
及中山青龍元年坐削邑二年復三年卒子孚嗣增邑
至三千四百戶

濟陽懷王玳建安十六年封西鄉侯早卒以沛王林子
贊襲爵薨復以贊弟邑紹薨子恒嗣累增邑至千九百
戶

陳留恭王峻建安二十一年封郟侯後徙襄邑黃初三
年進爵改封襄邑又改陳留薨子澳嗣累增邑至四千
七百戶

范陽閔王矩早卒詔以樊安公均子敏嗣封臨晉侯黃
初五年改封范陽王七年徙句陽增邑至三千四百戶
子焜嗣

趙王幹建安二十年封高平亭侯再徙賴亭弘農黃初

二年封燕王又改河間樂城鉅鹿乃封趙王增邑至五千戶

楚王彪建安二十一年封壽春侯徙封汝陽弋陽吳壽春白馬乃改封楚王坐犯禁削縣繼而復所削封至三千戶嘉平元年令狐愚王凌等謀立彪都許昌凌敗彪自殺至正元元年封子嘉爲常山真定王

郿戴公子整建安二十二年封郿侯薨無子詔以彭城王據子範奉整後子闡嗣增封至千八百戶

樊安公均建安二十二年封薨子抗嗣徙封抗蘇屯留薨子湛嗣累封至千九百戶

東平靈王徹建安二十二年封歷城侯黃初三年爲廬江王徙壽張東平坐罪削邑繼復所削薨子翕嗣累封至三千四百戶

樂陵王茂二十二年封萬歲亭侯改封平輿乘氏中邱聊城乃封王又改曲陽坐罪削繼復徙樂陵增邑至五千戶

右太祖二十五男其得封傳國者十七人

贊哀王協早薨太和五年追封子尋嗣增戶至三千薨無子國除

北海悼王蕤黃初七年立爲陽平縣王後改封北海薨

以瑯琊王子贊嗣徙封昌鄉饒安文安增邑至三千五百戶

東武陽懷王鑒黃初六年立薨無子國除

東海定王霖黃初三年立爲河東王改封館陶東海薨子啓嗣累增邑至六千二百戶子高貴鄉公髦入繼大宗嗣帝位

元城哀王禮黃初二年封秦公三年改京兆王又改元城薨尋以任城王楷子梯嗣改封梁王累增邑至四千五百戶

邯鄲懷王邕黃初二年封淮南公三年封王又改陳及

邯鄲薨以任城王楷子溫嗣改封魯陽累增邑至四千四百戶

清河悼王貢黃初三年封薨無子國除

廣平哀王儼黃初三年封薨無子國除

右文帝子八王

黃初五年詔曰先王建國隨時而制漢祖增秦所置郡至光武以天下損耗并省郡縣以今比之益不及焉其改封諸王皆爲縣王

陳思王傳時法制待藩國旣自峻迫寮屬皆賈豎下才兵人給其殘老大數不過二百人又植以前過事

復減半十一年中而三徙都常汲汲無歡遂發疾薨
正始間宗室曹冏上書曰古之王者必建同姓以明
親親必樹異姓以明賢賢親親之道專用則其漸也
微弱賢賢之道偏任則其敝也劫奪先聖知其然也
故博求親疏而並用之故能保其社稷歷紀長久今
魏尊尊之法雖明親親之道未備或任而不重或釋
而不任臣竊惟此寢不安席謹撰合所聞論其成敗
曰昔夏商周歷世數十而秦二世而亡何則三代之
君惟天下共其民故天下同其憂秦王獨制其民故
傾危而莫救也秦觀周之敝以爲小弱見奪於是廢

五等之爵立郡縣之官內無宗子以自毗輔外無諸
侯以爲藩衛譬猶芟刈股肱獨任胸腹觀者爲之寒
心而始皇晏然自以爲子孫帝王萬世之業也豈不
悖哉故漢祖奮三尺之劍驅烏集之衆五年之中遂
成帝業何則伐深根者難爲功摧枯朽者易爲力理
勢然也漢監秦之失封殖子弟及諸呂擅權圖危劉
氏而天下所以不傾動者徒以諸侯强大磐石膠固
故也然高祖封建地過古制故賈誼以爲欲天下之
治安莫若衆建諸侯而少其力文帝不從至於孝景
猥用鼂錯之計削黜諸侯遂有七國之患蓋兆發高

帝釁鍾文景由寬之過制急之不漸故也所謂末大必折尾大難掉尾同於體猶或不從况乎非體之尾其可掉乎武帝從主父策下推恩之令自是之後遂以陵夷子孫微弱衣食租稅不預政事至於哀平王氏秉權假周公之事而爲田常之亂宗室王侯或乃爲之符命頌莽恩德豈不哀哉由斯言之非宗子獨忠孝於惠文之間而叛逆於哀平之際也徒以權輕勢弱不能有定耳賴光武皇帝挺不世之姿擒王莽於已成紹漢嗣於旣絕斯豈非宗子之力也而曾不監秦之失策襲周之舊制至於桓靈閹宦用事君孤

立於上臣弄權於下由是天下鼎沸姦宄並爭宗廟焚爲灰燼宮室變爲榛藪太祖皇帝龍飛鳳翔掃除凶逆大魏之興於今二十有四年矣觀五代之存亡而不用其長策觀前車之傾覆而不改於轍迹子弟王空虛之地君有不使之民宗室竄於閭閻不聞邦國之政權均匹夫勢齊凡庶內無深根不拔之固外無磐石宗盟之助非所以安社稷爲萬世之業也且今之州牧郡守古之方伯諸侯皆跨有千里之士兼軍武之任或比國數人或兄弟並據而宗室子弟曾無一人間廁其間與相繼制非所以強幹弱枝備萬

一之虞也今之用賢或超爲名都之主或爲偏師之帥而宗室有文者必限小縣之宰有武者必致百人之上非所以勸進賢能褒異宗室之禮也語曰百足之蟲至死不僵以其扶之者衆也此言雖小可以譬大是以聖王安不忘危存不忘亡故天下有變而無傾危之患矣阿冀以此論感悟曹爽爽不能用

陳壽評曰魏氏王公旣徒有土國之名而無社稷之實又禁防壅隔同於囹圄位號靡定大小歲易骨肉之恩乖棠棣之義廢爲法之弊一至於此乎袁子曰魏興承大亂之後民人損滅不可則以古

始於是封建侯王皆使寄地空名而無其實王國使有老兵百餘人以衛其國雖有王侯之號而乃儕於匹夫縣隔千里之外無朝聘之儀鄰國無會同之制諸侯游獵不得過三十里又爲設防輔監國之官以伺察之王侯皆思爲布衣而不能得旣違宗國藩屏之義又虧親戚骨肉之恩

魏列侯

魏黃初三年初制封王之庶子爲鄉公嗣王庶子爲鄉侯公之庶子爲亭伯其後定制凡國王公侯伯子男六等次縣侯次鄉侯次亭侯次關內侯又置名號侯爵十

八級關中侯爵十七級皆金印紫綬關外侯十六級銅印龜紐墨綬五大夫十五級銅印環紐亦墨綬自關內侯皆不食租虛封爵自魏始而有保傅相常侍侍郎郎中令中尉大農文學友謁者大夫諸雜署令丞公主有家令僕丞行夜督郵王太妃有家令僕丞公孫康遼東襄平人漢末父度據遼東至康以斬袁尚功封襄平侯子淵嗣明帝時拜大司馬封樂浪公景初元年遣使徵之淵發兵反遣司馬懿討誅之

張燕常山真定人本羣盜聚衆河北太祖將平冀州遣使求佐王師拜平北將軍封安國亭侯邑五百戶薨子

方嗣 融

張繡武威祖厲人漢末聚衆於祖厲後領衆屯宛與劉表合太祖南征以衆降封宣威侯以軍功增邑至二千戶薨子泉嗣坐反誅國除

張魯沛國豐人據漢中太祖討平之出降封閬中侯邑萬戶封魯五子及閭圃等皆爲列侯子富嗣

夏侯惇沛國譙人以從征呂布功封高安鄉侯增邑至二千五百戶薨諡忠侯子充嗣 廙 劭

河內人韓浩 沛國人史渙俱以忠勇顯掌禁兵封

侯附惇傳

夏侯淵惇族弟以軍功封博昌亭侯後守漢中爲劉先
主所襲戰死諡愍侯子衡嗣 績 褒

曹仁太祖從弟以征伐功進封陳侯增邑至三千五百
戶薨諡忠侯子泰嗣轉封甯陵侯 初泰弟楷範皆爲
列侯

仁弟純以征伐功封高陵亭侯邑三百戶卒諡威侯
子演嗣

曹洪太祖從弟以征伐功封野王侯二千一百戶薨諡
恭侯子馥嗣 太祖分洪戶封子震爲列侯 族父瑜
官至衛將軍封侯

曹休太祖族子以征伐功封長平侯增邑至二千五百
戶薨諡壯侯子肇嗣 興 文帝分休戶三百封肇弟
纂爲列侯

曹真太祖族子以軍功封東鄉侯累增戶至二千九百
戶薨諡元侯子爽嗣明帝崩受遺輔少主加侍中武安侯
邑萬二千戶坐擅權爲司馬懿所誅夷 明帝思真功
封其五子義訓則彥皚皆爲列侯 文帝分真邑二百
戶封弟彬爲列侯

夏侯尚淵從子以軍功封昌陵鄉侯薨諡悼侯子元嗣
坐謀誅司馬師爲師所誅夷

荀彧潁川潁陰人太祖平袁紹以彧前後籌策功封萬
歲亭侯累增邑至二千戶薨諡敬侯子惲嗣 彪 額
荀攸彧從子與彧同時以籌策功封陵樹亭侯增邑至
七百戶子適嗣 彪

賈詡武威姑臧人以說張繡降太祖功封都亭侯進封
魏壽鄉侯增邑至八百戶薨諡肅侯子穆嗣 模
田疇右北平無終人太祖征烏丸疇將衆爲向導破虜
以功封亭侯邑五百戶固辭不受

何夔陳郡陽夏人太祖時參軍事文帝爲太子以夔爲
少傅帝卽位封成陽亭侯邑三百戶薨諡靖侯子曾嗣

鍾繇潁川長社人太祖時馬騰韓遂擁強兵擅關中乃
以繇爲侍中持節督關中魏國初建爲相國文帝受禪
進封崇高鄉侯增邑至千八百戶薨諡成侯子毓嗣
文帝分毓戶邑封繇弟演及子劭孫豫列侯 駿

華歆平原高唐人魏國建爲御史大夫文帝卽位拜相
國封安樂侯明帝卽位封博平侯增邑至千三百戶薨
諡敬侯子表嗣 文帝時分歆戶邑封歆弟緝列侯

王朗東海人魏國建以軍祭酒領魏郡太守文帝卽位
爲司空封樂平鄉侯明帝卽位封蘭陵侯增邑至十二
百戶薨諡成侯子肅嗣 文帝分朗邑封朗兄子詳爲

列侯

程昱東郡東阿人以從討破袁譚尚功封安國亭侯文帝卽位封安鄉侯增邑至八百戶薨諡肅侯子武嗣

克良

郭嘉潁川陽翟人從征伐以籌策功封洧陽亭侯增邑至千戶薨諡貞侯子率嗣 深 獵

董昭濟陰定陶人說太祖移駕都許以謀策功封千秋亭侯後進爵樂平侯邑千戶薨諡定侯子冑嗣

劉曄淮南成惠人太祖文帝時爲侍中征討預謀畫明帝時以功封東亭侯邑三百戶薨諡景侯子寓嗣

蔣濟楚國平阿人太祖時爲丞相主簿文明時仕至散騎常侍預軍國謀議齊王卽位進爵昌陵亭侯薨諡景侯子秀嗣 凱

劉放涿郡人魏國建爲祕書郎文明時爲中書監掌機密封西鄉侯齊王卽位以定策增邑至一千一百戶薨諡敬侯子正嗣

孫資太原人自太祖以來與劉放俱任中書掌機密封陽亭侯齊王卽位以定策增邑至千戶薨諡貞侯子宏嗣

劉靖沛國相人太祖時表靖父馥爲揚州刺史恩惠大

行戰守有備馥卒子靖爲河南尹有父風封廣陵亭侯
邑三百戶諡景侯子熙嗣

司馬朗河內溫人太祖時爲丞相主簿從征伐明帝卽
位錄其功封朗子昌武亭侯邑百戶子洪嗣

梁習陳郡柘人文帝時爲井州刺史政治爲天下最封
申門亭侯邑百戶薨子施嗣

張旣馮翊高陵人文帝時爲涼州刺史以擊胡功封西
鄉侯增邑至四百戶薨諡肅侯子緝嗣坐與李豐同謀
誅司馬師見殺

賈逵河東襄陵人太祖時爲丞相主簿從征伐文帝受

禪以功封陽里亭侯四百戶薨諡肅侯子充嗣

任峻河南中牟人太祖征伐峻常居守置屯田給軍糧
以功封都亭侯邑三百戶薨諡成侯子先嗣

蘇則扶風武功人文帝時爲護羌校尉以征羌功封都
亭侯邑三百戶薨諡剛侯子怡嗣

怡弟
襲封

杜畿京兆杜陵人爲河東太守十六年治爲天下最文
帝踐祚封豐樂亭侯邑百戶諡戴侯子恕嗣

張遼鴈門馬邑人太祖時爲將破袁譚攻孫權有功文
帝卽位封晉陽侯邑增至二千六百戶諡剛侯子虎嗣

統

樂進陽平衛國人太祖時爲軍司馬以征伐功封廣昌亭侯增邑至千二百戶諡威侯子緝嗣 肇

于禁泰山鉅平人太祖時以征伐功封益壽亭侯增邑至千二百戶後禦關羽於樊軍敗降羽文帝時自吳還卒諡厲侯子圭嗣

張郃河間人太祖時以征伐功封鄭侯後增邑至四千三百戶卒諡壯侯子雄嗣 明帝以郃功分其邑封郃四子列侯

徐晃河東楊人太祖時征伐有功文帝卽位封陽平侯增邑至三千一百戶諡壯侯子蓋嗣 霸 明帝分晃

子孫二人列侯

李典山陽鉅野人太祖時從軍以功封都亭侯邑三百戶薨諡愍侯子禎嗣

李通江夏平春人以軍功封都亭侯增邑至四百戶諡剛侯子碁嗣

臧霸泰山華人太祖攻袁紹時霸爲瑯琊相以精兵入青州封都亭侯文帝卽位封良成侯增邑至三千五百戶諡威侯子艾嗣 明帝以霸前後功封子三人列侯文聘南陽宛人爲劉表大將太祖征荊州劉琮降聘詣太祖後以禦關羽孫權功封新野侯增邑至千九百戶

諡壯侯子休嗣 武

呂虔任城人太祖時爲泰山太守以平寇功封益壽亭侯增邑至六百戶子翻嗣 桂

許褚譙國譙人太祖時從征伐有功文帝立封萬歲亭侯增邑至七百戶諡壯侯子儀嗣 綜

龐惠南安狽道人初從張魯太祖定漢中乃降封關門亭侯與曹仁共攻關羽不克死之諡壯侯封其二子皆爲列侯

衛覲河東安邑人太祖時以治書侍御史鎮關中招懷有功文帝立封陽吉亭侯增邑至三百戶諡敬侯子瓘

嗣

傅嘏北地泥陽人黃初中爲侍中尚書高貴鄉公時進封武鄉亭侯以勸司馬師討母邱儉功增邑至千二百戶諡元侯子祗嗣

陳羣潁川許昌人太祖時辟爲西曹掾文帝在東宮待以交友之禮卽位封昌武亭侯帝寢疾與曹真司馬懿等並受遺詔輔明帝封穎陰侯增邑至千三百戶諡靖

侯子泰嗣

恂

溫

恂弟 紹封

陳矯廣陵東陽人太祖時爲司空掾文帝卽位以佐命功封東鄉侯邑六百戶諡貞侯子本嗣 粲

徐宣廣陵海西人太祖時爲司空掾明帝卽位爲尚書
封津陽亭侯邑二百戶謚貞侯子欽嗣

衛臻陳留襄邑人太祖時參丞相軍事文帝踐祚封安
國亭侯正始中進爵長垣侯邑千戶謚敬侯子烈嗣

盧毓涿郡涿人太祖時爲丞相法曹齊王卽位爲僕射
封高樂亭侯後封容城侯二千三百戶謚成侯孫藩嗣

和洽汝南西平人初從劉表太祖定荊州辟爲丞相掾
明帝卽位封西陵鄉侯邑二百戶薨謚簡侯子禽嗣

常林河內温人文帝爲五官將時林爲功曹帝卽位封
樂陽亭侯薨謚貞侯子皆嗣 靜 皆弟 紹封

杜襲潁川定陵人太祖時爲丞相軍祭酒文帝卽位封

武平亭侯累封至五百五十戶謚定侯子會嗣

趙儼潁川陽翟人太祖時爲司空掾屬主簿明帝卽位
進封都鄉侯邑六百戶薨謚穆侯子亭嗣

裴潛河東聞喜人太祖時爲丞相理曹掾明帝卽位封
清陽亭侯邑二百戶薨謚貞侯子秀嗣

韓暨南陽堵陽人太祖平荊州辟爲丞相士曹掾文帝
卽位封宜城亭侯邑二百戶薨謚恭侯子肇嗣 邦

崔林清河東武城人太祖時爲丞相掾明帝時爲司空
封安陽亭侯邑六百戶 魏三公封列 薨謚孝侯子述嗣

乾隆十二年校刊

之天... 封建十一

七

高柔陳留圉人太祖辟爲丞相倉曹屬明帝卽位封延壽亭侯齊王時以預誅曹爽功封安國侯爲太尉增邑至四千戶薨諡元侯孫渾嗣

孫禮涿郡容城人文帝時爲尚書齊王時遷司空封大利亭侯邑一百戶薨諡景侯孫元嗣

王觀東郡廩丘人太祖時爲文學掾歷仕文明二帝高貴鄉公卽位旣誅曹爽封觀陽鄉侯後增邑至二千五百戶遷司空薨諡肅侯子悝嗣

辛毗潁川陽翟人初從袁紹太祖克鄴表毗爲議郎文帝時封廣平亭侯薨諡肅侯子敞嗣

滿寵山陽昌邑人太祖時爲汝南太守以戰功封安昌亭侯明帝卽位封昌邑侯增邑至九千六百戶薨諡景侯子偉嗣

田豫漁陽雍奴人太祖時爲丞相軍謀掾文帝初爲護烏丸校尉以討胡功封長樂亭侯增邑至五百戶薨子彭祖嗣

郭淮太原陽曲人文帝時爲鎮西長史討平關中叛胡封射陽亭侯後進封陽曲侯邑凡二千七百八十戶分三百戶封一子亭侯薨諡貞侯子統嗣 正

徐邈燕國薊人太祖時爲丞相軍謀掾文帝立以討叛

羗功封都亭侯邑三百薨諡侯子武嗣

胡質楚國壽春人太祖時爲丞相屬文帝卽位爲征東將軍都督青徐諸軍事積穀備邊薨追封陽陵亭侯邑百戶諡貞侯子威嗣

王景太原晉陽人文帝時爲兗州刺史後以戰功封京陵侯討母邱儉文欽諸葛誕等破之增邑至四千七百戶薨諡穆侯子渾嗣

王椿東萊曲城人文帝時爲中書侍郎高貴鄉公卽位封常樂亭侯後以預討文欽等功增邑至五千七百戶薨諡景侯子徽嗣

王凌太原祁人太祖時爲丞相掾文帝卽位爲兗州刺史後以戰功封南鄉侯邑千三百五十戶司馬懿秉政凌謀立楚王彪事覺懿討之自殺

母邱儉河東聞喜人父興黃初中爲武威太守以討叛胡功封高陽鄉侯儉襲父爵後以討公孫淵功進封安邑侯邑三千九百戶司馬師專政儉矯太后詔起兵討之兵敗死

諸葛誕瑯琊陽都人明帝時爲御史中丞後以討吳功封高平侯邑三千五百戶爲征東將軍司馬昭秉政誕舉兵降吳昭討之兵敗死

鄧艾義陽棘陽人爲司馬懿掾屬後以破文欽等功封
方城鄉侯拒姜維破之遷征西將軍增邑至六千六百
戶以平蜀功爲太尉增邑二萬戶封二子亭侯邑各千
戶鍾會譖而殺之

鍾會潁川長社人太傅繇小子高貴鄉公卽位以謀討
母邱儉等功封東武亭侯邑三百戶後以平蜀功爲司
徒進封縣侯增邑萬戶封子二人亭侯邑各千戶坐反
誅

右魏世諸侯王及列侯之見於史傳而可考者
按漢人嘗稱萬戶侯蓋列侯大者多食萬戶魏則

雖親王所食未有及萬戶者漢光武封功臣如鄧
寇輩皆以元功食四縣范曄猶以爲懲韓彭之戮
存矯枉之志故不大其封土使之得以功名自終
魏則諸王所食不過一縣蓋封建之制至曹魏而
規模益貶矣然以天下戶口之數考之西漢盛時
至一千餘萬而魏氏不過六十六萬有奇蓋郡國
所上戶口猶不及漢十之一則宜其分封之戶數
不能如漢制也又兩漢戶賦輕而魏晉以來戶賦
重受封者皆食其戶賦則輕者不容不多而重者
不容不少矣張繡傳言時天下戶口減耗十裁一

存諸將封未有滿千戶者而繡獨以功封二千戶亦一證也

文獻通考卷第二百七十

文獻通考卷第二百七十一

鄱 陽 馬 端 臨 貴 與 著

封建考十二

晉諸侯王列侯

晉亦有王公侯伯子男六等之封

晉今日有開國郡公縣公郡侯縣侯伯子

男及鄉亭關中關內外等侯之爵

唯安平郡公孚邑萬戶制度如魏諸

王其餘縣公邑千八百戶地方七十五里大國侯邑千六百戶地方七十里次國侯邑千四百戶地方六十五里大國伯邑千二百戶地方六十里次國伯邑千戶地方五十里大國子邑八百戶地方五十里次國子邑六

百戶地方四十里男邑四百戶地方四十里武帝受禪之初泰始元年封建子弟爲王二十餘人以郡爲國邑二萬戶爲大國置上中下三軍兵五千人邑萬戶次國置上軍下軍兵三千人邑五千戶爲小國置一軍兵千五百人王不之國宮於京師罷五等之制公侯邑萬戶以上爲大國五千以上爲次國不滿五千戶爲小國初雖有封國而王公皆在京師咸寧三年詔徙諸王公皆歸國時楊珧荀勗以齊王攸有時名懼惠帝有後難乃追故司空裴秀立封建之旨遂詔王公悉令歸國更制戶邑皆中尉領兵其平原汝南瑯琊扶風齊爲大國梁趙樂安燕安平義陽爲次國其餘爲小國皆制所

近縣益滿萬戶又爲郡公制度如小國王亦中尉領兵郡侯如不滿五千戶王置一軍千一百人亦中尉領之於時唯特增魯國公戶邑追進封故司空博陵公王沈爲郡公鉅平侯羊祜爲南城郡侯又南宮王丞隨王萬各於泰始中封爲縣王邑千戶至是改正縣王增邑爲三千戶制度如郡侯亦置一軍自此非皇子不得爲王而諸王之支庶皆皇家之近屬至親亦各以土推恩受其大國次國始封王之支子爲公承封王之支子爲侯繼承封王之支子爲伯小國五千戶始封王之支子及始封公侯之支子皆爲男非此皆不得封其公之制度

如五千戶國侯之制度如不滿五千戶國亦置一軍千人中尉領之伯子男以下各有差而不置軍大國始封之孫罷下軍曾孫又罷上軍次國始封之孫亦罷下軍其餘付以一軍為常大國中軍二千人上下軍各千五百人次國上軍二千人下軍千人其未之國大國置守士百人次國八十人小國六十人郡侯縣公亦如小國制度既行所增徒各如本奏既遣就國而諸公皆戀京師涕泣而去及吳平後齊王攸遂凡名山大澤不以封鹽鐵金銀銅錫始平之竹園別都宮室園囿皆不為屬國其仕在天朝者與之國同皆自選其文武官時齊王攸國相上長史缺典書令請求差選攸下令曰官人敘才皆

朝廷之事非國所宜裁也其令自上請之又當時王諸家人衣食皆出御府攸乃表租秩足自供遂求絕之入作卿士而其世子年已壯者皆遣莅國其王公侯以下茅社符璽車旗命服一如秦始故事凡王金印龜紐練朱綬遠遊三梁冠絳紗朝服佩山元玉開國郡公縣公金章阜朱綬綬郡侯青朱綬同進賢三梁冠絳朝服佩山元玉初武帝元玉開國縣侯伯子男金章朱墨綬冠玉亦同踐祚封宣帝孫永為東莞郡王始置二卿侯以下置官屬隨國大小無定制諸侯並三分食一東晉元帝太興元年始置九分食一元帝以西陽王羨屬尊元會特為設牀明帝以羨皇室元老特

為之拜成帝詔羨依安平獻王孚王國有傳傳即師也帝諱故曰傳武帝初置亦謂之友武帝初置一人蓋因師山公啓事曰王為燕王師文王仲尼四友之名

典書令丞掌國教令職官錄曰漢制本曰尚書改為文

學一人郎中令中尉大農為三左右常侍大國各一人掌贊

相獻改太守為內史又晉將軍大國上中下軍三

軍將軍各一人書曰改國相為內史典祠典衛學官令治書中尉司馬世子

庶子陵廟牧長謁者中大夫舍人典府等其後省相及

僕省郎中置侍郎二人初晉武帝輔魏政阮籍常言於

即拜為東平相籍乘驢到郡壞府舍屏公侯以下國官

障使內外相通法令清簡旬日而還屬遞減晉書曰詔以壽光公鄭中及朗陵公何曾國皆

奉車都尉掾屬者百餘置郎中令又曰元帝初渡江即晉王位諸參軍

人時人謂之百六掾

晉諸侯王

安平獻王孚宣帝次弟泰始元年封邑四萬戶拜太宰

八年薨孫穆王隆嗣無子國除

義陽城王望孚子初出繼伯父朗武帝受禪封邑萬戶

泰始七年薨孫奇嗣後徙封棘陽王

河間平王洪望子出繼叔父昌武帝受禪封咸寧二年

薨子混嗣 滔 休

隨穆王整望子武帝以義陽國一縣封整為隨縣王薨

子邁嗣

竟陵王棼望子武帝受禪封東平王邑三千九十七戶

懷帝踐祚改封竟陵王後為亂兵所害

太原成王輔孚子武帝受禪封渤海王邑五千三百七十九戶後徙爲太原王薨子弘嗣後徙封中邱鑠

下邳獻王晃孚子武帝受禪封邑五千一百七十六戶

薨子韓嗣 韶

太原烈王瓌孚子武帝受禪封邑五千四百九十六戶

薨子顥立徙封河間王趙王倫篡位齊王罔謀討之遣

使告顥顥初不從遣張方助倫後見罔等兵盛乃從之

倫既誅顥復興兵討罔殺之復與成都王穎謀舉兵誅

長沙王義遣張方入京城大掠以穎爲太弟奉乘輿都

長安後爲南陽王模所殺并其三子 融彭城王植子

詔以爲顥嗣改封樂成縣王 欽

高陽元王珪孚子武帝受禪封邑五千五百七十戶薨

子哀王緝嗣 訟

常山孝王衡孚子武帝受禪封邑三千七百九十戶薨

子敦嗣

沛順王景孚子武帝受禪封邑三千四百戶薨子韜嗣

彭城穆王權宣帝弟武帝受禪封邑二千九百戶薨子

元王植嗣 康王釋 雄 紘 元 弘之 邵之

崇之 緝之 宋受禪 國除

高密文獻王泰宣帝弟武帝受禪封隴西王邑三千二

百戶後改封高密王邑萬戶薨子孝王畧嗣 恭王俊

敬王純之 恢之 宋受禪 國除

東海孝獻王越泰次子以討楊駿功封五千戶侯後封

東海王食六縣長沙王義既敗帝西幸以越為太傅與

河間王顥共輔朝政越引兵奉帝還洛陽遂專朝政帝

崩懷帝立委政於越所在寇亂上下崩離越以憂薨

冲元帝子以嗣越 率徙封瑯琊王後嗣帝位桓溫廢

之 彥璋為桓元所殺國除

南陽王模泰子初封平昌公永嘉初進爵南陽王轉征

西大將軍代河間王顥鎮關中劉聰攻長安模敗降為

聰所害子保嗣

新蔡武哀王騰泰子初封東瀛公永嘉初封新蔡王遷

車騎將軍鎮鄴羣盜李豐等攻鄴騰不能守為豐所害

子莊王確嗣 為石勒所殺 弼 邈 晃 崇 惠 宋受禪 國除

范陽康王綏宣帝弟武帝受禪封薨子虢嗣 黎

濟南惠王遂宣帝弟武帝受禪封薨子耽嗣

譙剛王遜宣帝弟武帝受禪封邑四千四戶薨子定王

隨 邃 沒於石勒

閔王承隨弟元帝以紹遜封為湘州刺史王敦構逆

圍承兵敗死之 烈王無忌 忠王尚之 為桓元所殺 文

思坐謀逆死國除

高陽王睦宣帝弟武帝受禪封中山王邑五千二百戶

後徙封高陽王薨孫毅嗣沒於石勒文深宋受禪國除法連

任城景王陵宣帝弟武帝受禪封北海王邑四千七百

戶後改封任城薨子濟立為石勒所害

西河繆主斌陵子武帝受禪封陳王邑千七百一十戶

後改封西河薨子隱嗣善

平原王幹宣帝子武帝受禪封邑萬一千三百戶薨會劉

聰亂不逞贈典世子早卒

瑯琊武王伷宣帝子武帝受禪封東莞郡王邑萬六百

戶後徙瑯琊薨子恭王覲立睿渡江是為元帝哀

以皇子奉恭王祀早薨昱徙封會稽後為簡文帝

德文是為恭帝既立瑯琊國除

武陵莊王澹佑子佑薨分國封之後為石勒所害子哀王喆嗣

晞元帝子繼喆後遵

東安王繇佑子佑薨封後為成都王穎所殺渾無子國除

淮陵王瓘佑子以預討趙王倫功封薨子貞王融嗣

蘊宋受禪國除安之

燕王機父清惠亭侯宣帝子早卒武帝受禪封機為燕

王邑六千六百六十三戶後增戶至二萬薨子幾嗣

乾隆十二年校刊

封建十二

七

扶風武王駿宣帝子武帝踐祚進封汝陰王邑萬戶後徙封扶風薨子暢嗣改封順陽王劉聰入洛不知所終

新野莊王歆駿子駿薨推恩分國封歆縣公後以預計

趙王倫功封王邑二萬戶後為賊張劭沒於石勒

梁孝王彤宣帝子武帝踐祚封邑五千三百五十八戶

後與趙王倫共廢賈后為太宰增封二萬戶薨禧沒於

石勒翹 璿 穌 珍之為劉裕所害國除

齊獻王攸文帝子以景帝無子命為嗣武帝受禪封齊

王薨子罔嗣趙王倫篡位罔起兵誅倫惠帝反正拜大

司馬河間王顥長沙王義舉兵殺之子超嗣 柔之

建之宋受禪國除

東萊王蕤攸子出繼遼東王定國後徙封東萊齊王罔

既秉政蕤密謀廢罔坐廢死定國文

廣漢冲王贊攸子繼廣漢殤王薨殤王文實以弟繼改

城陽哀王肇文帝子早死武帝踐祚追封 景度 憲

祗 遐

樂安平王鑿文帝子武帝踐祚封尋薨 籍 冰

樂平王延祚文帝子以篤疾不任封太康初封尋薨無

子

汝南文成王亮宣帝第四子武帝踐祚封扶風王邑萬

乾隆十二年校刊

文獻通考卷之三十一 封建十一

戶惠帝卽位楊駿誅爲太宰錄尚書事後爲賈后及楚

王瑋所殺 矩與亮同 祐 義 遵之 蓮扶 宋受禪國

除

西陽王羨亮子惠帝時封元帝渡江卽位拜侍中太保

明帝崩受遺輔成帝後坐降蘇峻賜死國除

南頓王宗亮子以討劉喬功封萬戶後渡江爲左將軍

坐反死

汝陽王熙亮子以討劉喬功封永嘉末沒於石勒

楚隱王瑋武帝第五子初封始平王後徙楚楊駿誅賈

后令瑋誅汝南王亮及衛瓘復以矯詔罪瑋而殺之

範 爲石勒所害

趙王倫宣帝第九子武帝卽位封瑯琊郡王後徙趙惠

帝時爲車騎將軍諂事賈后及后廢殺皇太子倫以兵

廢后篡位齊王冏等討而誅之

長沙厲王又武帝第六子太康十五年封趙王倫篡位

又與齊王冏等舉兵誅倫復攻冏而殺之河間王顥等

以兵攻又東海王越收又送金墉城張方取而殺之子

碩嗣 沒於劉聰

成都王穎武帝第十六子太康末受封趙王倫篡位穎

與齊王冏等以兵討誅之及冏敗穎鎮鄴遙執朝政憚

乾隆十二年校刊

文獻通考卷三十三 封建十一

九

長沙王又與河間王顓等以兵犯京師執又殺之廢太子
 子單以穎為太弟穎僭侈無君陳彤等奉帝討之敗績
 後為烏丸羯末等所襲奉帝奔長安河間王顓廢穎以
 豫章王為皇太弟范陽王虓幽穎而殺之 遵沒於石勒
 秦獻王東武帝子泰始初封汝陽王後徙封秦邑八萬
 戶於時諸王封中土者皆五萬戶以東為太子同產特
 加之元康元年薨 郁 鄴以吳王晏子嗣後入紹帝
 位為愍帝國絕

毘陵悼王軌武帝子二歲夭太康時追封以楚王瑋子
 義嗣

城陽懷王景武帝子出繼叔父城陽哀王兆後早薨無
 子

東海冲王祗武帝子受封早薨

始平哀王裕武帝子受封早薨

迪以淮南允王子嗣

淮南忠壯王允武帝子初封濮陽王後更封趙王倫既
 廢賈后以允為太尉倫將篡允帥兵攻之為倫所害

祥

代哀王演武帝子太康十年封薨子廊嗣

新都王該武帝子咸寧三年封薨無子國除

清河康王遐武帝子出繼叔父城陽哀王兆永康中薨

子單後立爲皇太子河間王顓等舉兵脅遷復廢爲清河王未幾被害 籥

汝陰哀王謨武帝子早薨無後

吳敬王晏武帝子太康十年封洛京陷遇害

渤海殤王恢武帝子早薨無後

武帝太康時劉頌上疏曰三代並建明德以藩帝室延祚久遠近者五六百歲遠者千載秦氏罷侯置守二世而亡漢承周秦之後雜而用之前後二代各二百餘年揆其封建強弱不適不盡事中然跡其衰亡常在同姓失職諸侯微時不在強盛昔呂氏之亂賴

齊代以寧社稷七國叛逆梁王扞之以彌其難自是之後威權日削王莽得以遂其奸謀傾蕩天下光武紹起雖封樹子弟而不建成國之制祚亦不延魏氏乘之圈閉親戚幽囚子弟是以神器速傾天命移在陛下又魏氏時三方未賓實有戰國相持之勢大晉之興宣帝定燕太祖平蜀陛下滅吳可謂功格天地宜因盛明之時開啓土宇使同姓必王建久安於萬載垂長世於無窮今諸王裂土皆兼於古之諸侯而君賤其爵臣恥其位莫有安志其故何也法同郡縣無成國之制故也今之建置宜一如古典

惠帝永興初劉弘上言曰自頃兵戈紛亂猜禍蜂生
疑隙構於羣王災難延於宗子今夕爲忠明日爲逆
翻其反而互爲戎首載籍以來骨肉之禍未有如今
者臣切悲之今邊陲無備豫之儲中華有杼軸之困
而股肱之臣不惟國體職競尋常自相楚剝萬一四
夷乘虛爲變此亦猛虎交鬪自效於卞莊者矣臣以
爲宜速發明詔詔顓越等令兩釋猜嫌各保分局自
今以後其有不被詔書擅興兵馬者天下共伐之

按魏疎忌骨肉故武之子文之母弟不過食一縣
且刻削遷徙殊無寧日幾不能以自存晉矯其敝

受禪之初不特宣文之子孫畢王雖宣帝諸弟如
孚如泰輩之子孫亦且同時俱封又許其自選官
屬而王家人衣食御府別給之親親之意亦厚矣
劉頌所言無成國之制蓋以其徒享封土而不治
吏民有同郡縣此乃漢景武以後之法制然惠帝
旣立之後諸王或鎮雄藩或專國政廢賈誅趙猶
運之掌則亦不可以言無事任矣而干戈相侵自
相屠毒遂以覆國蓋晉之創業不以道而垂統非
其人故天命不祐雖有磐石之宗適以基禍固難
以周漢自詭也

臨川獻王郁簡文帝子早卒簡文帝即位追封 寧康
寶

會稽文孝王道子簡文帝少子出繼瑯琊王後更封會稽孝武卽位進錄尚書事安帝卽位進太傅假黃鉞後以討桓元不克爲元所害子脩之

右晉宗室王姓名之見於史傳者

張軌安定烏氏人永寧初爲護羌校尉涼州刺史以破鮮卑功封安樂鄉侯進封西平郡公立十三年薨諡武公子實嗣立進位大都督涼州牧侍中司空承制行事六年爲閻沙等所弑諡昭公弟茂嗣五年薨諡成公兄

子駿嗣時羣寮勸駿稱涼王駿不許然自後境內皆稱之爲王立二十二年薨諡文公子重華嗣始自稱持節大都督太尉護羌校尉涼州牧河西公假涼王立十一年薨諡昭公子曜靈嗣爲伯父長寧侯祚所弑諡哀公祚篡位改元爲和平元年三年爲張瓘等所殺 元靚耀靈庶弟嗣廢和平之號復稱晉正朔立九年薨爲天錫所弑諡冲公 天錫駿少子嗣立十三年秦王堅遣將苟萇伐之天錫兵敗降秦 自軌爲涼州至天錫凡九世七十六年

李暹隴西成紀人呂光末燉煌人推暹爲太守六郡推

曷爲大都督大將軍涼公領秦涼二州牧義熙元年曷
改元建初遣使奉表詣建康立三年薨國人謚爲武昭
王子士業嗣改元爲嘉興爲沮渠蒙遜所敗死國亡
曷以晉安帝隆安四年立至宋少帝景平元年滅凡再
世二十四年

右晉祚中微羣雄割據以一隅之地盜名字者不
一惟二涼累世不失藩臣禮故晉書述於列傳明
其異於載記所書僭偽之羣胡也故今敘其世系
於宗室王之後爲異姓王云

晉五等侯

王祥瑯琊臨沂人魏末以從討母邱儉功封亭侯後拜
司空爲睢陵侯晉武卽位進爵爲公薨謚元公子馥嗣
根

鄭冲滎陽開封人常道鄉公時拜太保封壽光侯武帝
卽位進爵爲公薨謚成公子徽嗣 簡

何曾陳國陽夏人少襲父夔爵武陽亭侯後封朗陵侯
武帝卽位進爵爲公薨謚孝子劭嗣

石苞渤海南皮人以破諸葛誕功封東光侯武帝卽位
封樂陵郡公薨謚武子統嗣

崇苞子統弟以伐吳功封安陽鄉侯後爲孫秀所殺

羊祜泰山南城人魏世封鉅平子武帝即位以佐命功進爵為侯後鎮襄陽以功改封南城公薨諡成篇以

兄子法興孝武時封後以桓元黨誅國除

杜預京兆杜陵人襲祖畿爵豐樂亭侯從平蜀增邑以滅吳功進爵當陽縣侯薨諡成子錫嗣又

陳騫臨淮東陽人為相國司馬封安國亭侯武帝即位以佐命功封高平郡公薨諡武子輿嗣粹浩之以騫

元孫襲爵宋受禪國除

裴秀河東聞喜人以從討諸葛誕封魯陽鄉侯武帝即位封鉅鹿郡公薨諡元子濬嗣頽濟少弟嗣賈后時輔政為趙王倫所

殺嵩頽子

楷秀從弟與楊駿為姻家駿誅坐不阿附封臨海侯薨諡元子輿嗣

衛瓘河東安邑人襲父覬爵闔鄉侯後以平蜀誅鍾鄧功封菑陽侯武帝即位進封公惠帝時為賈后所殺後

諡成璪以孫襲爵崇

張華范陽方城人以贊伐吳功封廣武縣侯惠帝時輔政封壯武縣公賈后廢為趙王倫所殺

王沈太原晉陽人高貴鄉公將攻文帝沈奔白帝以功封安平侯武帝即位進爵為公薨諡元子浚嗣後為石勒所殺

道素

太元初以從孫襲

崇之

宋受禪國除

荀勗潁川人以預討母邱儉等功封亭侯武帝即位進

爵臨淮公薨諡康

徽

以從孫嗣龍符

宋受禪國除

荀勗潁川潁陰人文帝為晉王封安陽子武帝即位改

封濟北郡公薨諡成子輯嗣 峻

賈充平陽襄陵人少襲父達陽里亭侯以預弒高貴鄉

公封安陽鄉侯武帝受禪封魯郡公薨諡武 諡韓壽

子以外孫襲爵為趙王倫所殺

模充從子以預誅楊駿功封平陽鄉侯薨諡成子遊

嗣

郭彰太原人以賈后從舅封冠軍縣侯薨諡烈

楊駿弘農華陰人以后父封臨晉侯惠帝即位秉政為

賈后所殺

魏舒任城樊人武帝即位為司徒封劇陽子薨諡康

融

庶孫晃

李熹上黨銅鞮人武帝即位以佐命封祁侯薨諡成子

贊嗣

劉實平原高唐人以參文帝相國事封循陽子元康初

進爵為侯薨諡元子躋嗣

高光陳留圉城人以討成都王穎功封延陵縣公薨

乾隆十二年校刊

封建十一

七

王渾太原晉陽人襲父昶爵京陵侯以平吳功進爵爲公薨諡元子濟嗣

王濬弘農湖人以平吳功封襄陽縣侯薨諡武子矩嗣唐彬魯國鄒人與王濬共伐吳以功封上庸縣侯薨諡襄

山濤河內懷人武帝卽位以佐命功封新沓伯薨諡康子該嗣

王戎渾子以預平吳功進安豐縣侯惠帝卽位爲三公薨諡元愔子以從弟子嗣

鄭袤滎陽開封人魏常道鄉公立以定策功封安成鄉

侯泰始間薨諡元子默嗣

李允遼東襄平人文帝時爲廣陸伯泰始初進爵爲侯薨諡成志

盧欽范陽涿人少襲父毓爵亭侯武帝卽位爲大梁侯薨諡元子浮嗣

石鑿樂陵厭次人武帝卽位封棠陽子後拜司空封昌安縣侯薨諡元子陋嗣

溫羨太原祁人以從駕討成都王穎功封大陵縣公薨諡元

武陵沛國弘邑人景帝時爲大將軍引爲從事中郎後

封亭侯武帝卽位封薛縣侯薨諡定子鋪嗣
任愷樂安博昌人尚魏明帝女晉國建封昌國縣侯薨
諡元子罕嗣

郭奕太原陽曲人武帝卽位以東宮官封平陵男卒諡
穆

侯史光東萊掖人泰始初以侍中持節循風俗還稱旨
封臨海侯薨子元嗣 施

何攀蜀郡郫人以預誅楊駿功封西城侯薨子瑋嗣
傅元北地泥陽人魏時以典農校尉稱職封鶡觚男武
帝卽位進爵爲子薨後追封清泉侯子咸嗣 敷

祇咸從父弟以預誅楊駿功封靈川縣公薨

閻纘巴西安漢人爲西戎校尉有功封平樂鄉侯

謝鯤陳國陽夏人爲王敦長史以討杜弢功封咸亭侯

薨子尚嗣 康 肅 靈祐

曹志譙人魏陳思王植之子少襲封武帝受禪降爲郵
城縣公薨諡定

華譚廣陵人以討石冰黨功封都亭侯薨諡胡子茂嗣

羅憲襄陽人爲蜀巴東太守蜀亡以郡降後卒追封西
鄂侯諡烈

滕修南陽西鄂人爲吳廣州牧王師伐吳修帥衆赴難

至巴邱而孫皓降乃與諸郡送印綬封武當侯卒諡聲子並嗣 聲以討蘇峻功更封夏陽侯

馬隆東平平陸人以討羌平涼州功封奉高侯子咸嗣胡奮安定臨涇人以從宣帝征伐功封夏陽子薨諡壯陶璜丹陽秣陵人嘗爲吳交州刺史吳亡以地降封宛陵侯

趙誘淮南人以討華軼杜弼等功封平阿縣侯後戰沒諡敬

周玘義興陽羨人以討陳敏等定江南功封烏程侯薨諡忠烈子勰嗣

札玘弟以討錢璜功封東遷縣侯後爲王敦所殺

懋札兄子爲晉陵太守封清流侯

贊懋弟大將軍從事中郎封武康縣侯

縉贊弟太子文學封都鄉侯

周訪汝南安成人以討賊功封尋陽縣侯薨諡壯子撫嗣以功進封建城縣公 楚 瓊 虓

孟觀渤海東光人以受賈后旨殺楊駿封上谷郡公後坐趙王倫黨誅

張輔南陽西鄂人爲吏以擊搏豪強政迹封宜昌亭侯後爲帳下督富整所殺

索靖燉煌人以討孫秀及破羌等功封安樂亭侯薨諡
莊子聿嗣

琳靖子愍帝時輔政以禦劉曜功封上洛郡公後與
帝俱降劉聰為聰所殺

賈疋武威人愍帝時為雍州刺史封酒泉公邀擊劉曜
大破之後為羣胡所襲敗死

周浚汝南安城人以平吳功封成武侯薨子顗嗣為王
敦所

周馥浚從父弟以討陳敏功封永寧伯

荀晞河內山陽人以破汲桑石勒等功封東平郡侯進

爵為公後為石勒所殺

劉喬南陽人以預誅賈謐功封安眾男

劉琨中山魏昌人以斬石超迎大駕於長安封廣武侯
後為段匹磾所殺諡愍子羣嗣

劉輿琨兄為東海王越范陽王虓等所用有功封定襄
侯薨諡貞子演嗣

邵續魏郡安陽人以敗石勒功封祝阿子後沒於石虎
為所殺

李矩平陽人以伐氐齊萬年功封東明亭侯

段匹磾東部鮮卑人父務勿塵遣兵助東海王越有功

封遼西公匹磾襲父爵領幽州刺史爲石虎所攻敗沒於虎被害

右西晉列侯姓名之見於史者按晉始分五等則侯之秩已不一又永熙初楊駿輔政普進封爵以求媚於衆議者以爲優於泰始革命之初及諸將平吳之功其後趙王倫旣誅賈后遂竊帝位在职者皆封侯廝役亦加以爵位金銀冶鑄不給於印故有白版之侯君子恥之則其所濫及者蓋不可勝道矣

王導瑯琊臨沂人少襲祖覽爵卽邱子元帝渡江導輔

政歷受遺輔明成二帝爲相積封至始興郡公薨諡文

獻世子悅

早混悅弟 嗣 嘏 恢

恬導次子襲卽邱子爵

協導子襲武岡侯爵

諡嗣協

劉弘沛國相人以平張昌等功封新城郡公薨諡元

陶侃番陽人初以軍功封東鄉侯後以平蘇峻積功封

長沙郡公薨諡桓子夏嗣

弘 綽之

延壽

宋受禪降爲吳

昌侯

溫嶠太原祁人以討王敦功封建寧縣公及平蘇峻進

始安郡公薨諡忠武子放之嗣

式之

以弟嗣

郗鑒高平金鄉人以預討王敦功封高平侯後更封南
昌縣公薨諡文成子愔嗣 超 僧施

曇鑒子少賜爵東安縣伯

恢

曇子 襲封 循

恢子

顧榮吳國吳人以討葛旟功封嘉興伯元帝鎮江東以
爲軍司卒帝卽位追封爲公諡元子毗嗣

紀瞻丹陽秣陵人以討陳敏功封臨湘縣侯薨諡穆子

景

早卒 友嗣 景子

賀循會稽山陰人以討華軼功封鄉侯薨諡穆

薛兼丹陽人元帝卽位以佐命功封安陽鄉侯

劉隗彭城人元帝卽位以佐命功封都鄉侯後以王敦

反奔石勒

戴淵廣陵人以討賊功封秣陵侯王敦反淵拒之兵敗
爲敦所殺諡簡

應詹汝南南頓人以討賊功封觀陽縣侯薨諡烈子元
嗣

甘卓丹陽人以討周馥杜弢等功封于湖侯王敦反卓
討之敦襲殺卓諡敬

卞壺濟陰宛句人父粹齊王冏輔政時爲中書令封成
陽公爲長沙王冏所殺壺襲父爵成帝時輔政蘇峻反
壺力戰死之諡忠貞子瞻

與壺同死 誕瞻子

敦壺從父弟以討杜弼功封安陵亭侯薨諡敬子滔嗣

劉超瑯琊臨沂人元帝卽位以佐命功封原鄉亭侯後爲蘇峻所殺諡忠子訥嗣

孫惠吳國富陽人爲東海王越參軍以迎大駕功封臨湘縣公

庾亮明穆皇后兄以討華軼功封都亭侯討錢鳳沈充平之進封永昌縣公薨諡文康子羲嗣 準

翼亮弟以討蘇峻功封廣饒男

冰亮弟以討蘇峻功封吳縣侯薨諡忠成

桓彝譙國龍亢人以討王敦功封萬寧縣男蘇峻之反爲賊所害諡簡子雲嗣 序

冲彝子以從兄溫破姚萇有功封豐城公薨諡宣子允嗣

王承太原晉陽人永寧初以豫迎大駕封藍田縣侯薨子述嗣 坦之 愷

荀崧潁川臨潁人以預平王敦功封平樂伯薨諡敬子蕤嗣 籍

范汪雍州刺史咎孫以預討蘇峻功封都鄉侯薨諡穆子康嗣

王舒丞相導之從弟以破蘇峻功封彭澤縣侯薨諡穆子崑之嗣 宋受禪 陋之 國除

允之舒子以討蘇峻功封番禺縣侯薨諡忠子晞之

嗣 肇之

王廙導從弟以討杜弢等功封武陵縣侯薨諡康子頤之嗣

虞潭會稽餘姚人以征討張昌等功賜爵都亭侯後進

至武昌縣侯薨諡孝烈子伧嗣 嘯父

顧衆吳郡吳人以討蘇峻功封鄱陽縣伯薨諡靖子昌

嗣

張闔丹陽人以討蘇峻功封宜陽伯子混嗣

陸曄吳郡吳人以平錢鳳功封江陵伯薨諡穆子湛嗣

玩曄弟以討蘇峻功封興平伯薨諡康子始嗣

何充廬江灊人以討蘇峻功封都鄉侯薨諡文弟子放

嗣 松

褚爽太傅哀從父兄以拒蘇峻封長平縣伯薨諡穆子

希嗣

蔡謨陳留考城人以平蘇峻功封濟陽男薨諡文穆

諸葛恢瑯琊陽都人以討周馥封博陵亭侯討王含功

封建安伯薨諡敬子魁嗣

孔愉會稽山陰人以討華軼功封餘不亭侯薨諡貞子
閭嗣 靜

沉愉從子蘇峻反以扈從功封永安伯薨諡簡子話
嗣

陶回丹陽人以破韓晃功封康樂伯薨諡威子汪嗣

謝安陳國陽夏人孝武時輔政以禦苻堅功封建昌縣
公薨諡文靖更封廬陵郡公子瑤嗣 該

琰安子以破苻堅功封望蔡公後爲賊所害諡忠肅
子混嗣

峻琰子封建昌縣侯子密嗣

元安兄子以征伐功封東興縣侯後以破苻堅功進

康樂縣公薨諡獻武子璵嗣 靈運

石安弟以破苻堅時爲元帥封南康郡公薨諡襄子
注嗣 明慧 暘

王遜魏興人以征蠻功封褒中縣公薨諡壯子澄嗣

羊鑿泰山人以預誅蘇峻功封豐城縣侯

劉允東萊掖人以拒蘇峻功封豐城子後爲郭默所殺
子赤松嗣

桓宣譙國銍人以前後戰功封竟陵縣男

伊宣族子以破苻堅功封永修縣侯薨諡烈子肅之

嗣陵

毛寶滎陽陽武人以破蘇峻功封州陵縣侯後守邾城

戰没子穆之嗣即虎生以入洛功徙封建安侯 珍

璩虎生子以討桓元功封歸鄉公子弘之嗣

劉遐廣平易陽人以討王含功封泉陵公薨子紹嗣

舉 遵之 伯齡

鄧岳陳郡人以討郭默功封宜城縣伯薨子遐嗣

朱序義陽人以討司馬勲功封襄平子後陷苻堅淮淝

捷歸國

虞預徵士喜之弟從平王含封平康縣侯

徐廣東筦姑幕人義熙初封樂成侯

袁瓌陳郡陽夏人以討蘇峻功封長合鄉侯薨諡恭子

喬嗣 方平 崧

耽瓌弟以平蘇峻功封秭歸男

劉牢之彭城人以破苻堅功封武岡縣男後謀拒桓元

不克死元敗子敬宣嗣 光祖

劉毅彭城沛人以誅桓元反正功封南平郡公後為劉

裕所殺

諸葛長民瑯琊陽都人以誅桓元反正功封新淦縣公

後為劉裕所殺

何無忌東海剡人以討桓元反正功封安成郡公後討
盧循戰死諡忠肅子邕嗣

檀憑之高平人討桓元戰歿追封曲阿縣公

魏詠之任城人以贊討桓元功封江陵縣公

嵇紹康之子賈謐誅以不阿比凶族封弋陽子蕩陰之

戰死之贈進爵爲侯

翰從孫曠襲封

魯芝扶風郿人以討諸葛誕功封武進亭侯後進爵祭

城鄉侯薨諡貞

胡威淮南壽春人武帝時爲刺史以功封平春侯薨諡

烈子奕嗣

羊琇景獻皇后之從父弟封甘露亭侯薨諡威

王虔文明皇后之弟封安壽亭侯子士文嗣

愷虔弟封山東縣侯

楊文宗武元皇后父封蓂亭侯諡穆

羊元之惠皇后父封興晉侯

虞豫元敬皇后父早卒追封平山縣侯子允嗣 洪

褚裒康獻皇后父以平蘇峻功封都鄉亭侯薨諡元穆

子歆嗣

何準穆章皇后父封晉興縣侯

王蘊孝定武皇后父封建昌縣侯

王敦司徒導之從父兄以討華軼等功封漢安侯後舉兵反破石頭進爵武昌郡公病死討平蹠而斬之

桓溫彘子初襲爵萬寧男平蜀功封臨賀郡公北伐功

封南郡公子元嗣

僭位誅

祖約逖之弟以討王敦功封五等侯後謀反兵敗奔石勒爲勒所誅

蘇峻長廣掖人以破沈充功封邵陵公後舉兵反伏誅

右東晉列侯姓名之見於史者

文獻通考卷第二百七十一



